

**UGOVOR O ISPORUCI I UMREŽAVANJU NOVIH, KOMPATIBILNIH  
TELEFONSKIH CENTRALA U POLICIJSKIM STANICAMA U TELEFONSKI  
SISTEM Siemens Open Scape 4000 U SJEDIŠTU MINISTARSTVA-PROŠIRENJE I  
NADOGRADNJA**

**Ugovorne strane:**

**MUP KANTONA SARAJEVO, ulica La Benevolencija broj 16, koje zastupa ministar unutrašnjih poslova Admir Katica (u daljem tekstu Kupac)**

**SIECOM d.o.o. Sarajevo, ul. Marka Marulića broj 2, koje zastupa direktor Irma Osim (u daljem tekstu: Dobavljač)**

**PREDMET UGOVORA**

**Član 1.**

Predmet ovog ugovora je isporuka dijela opreme koja je sadržana u ponudi Dobavljača broj SC211130/109-1 od 01.12.2021. godine, a u skladu sa Okvirnim sporazumom broj 01-11-4-6121-4 od 09.12.2021. godine, u postupku nabavke "Isporuka i umrežavanje novih, kompatibilnih telefonskih centrala u policijskim stanicama u telefonski sistem Siemens Open Scape 4000 u sjedištu Ministarstva-proširenje i nadogradnja".

Nabavka je izvršena putem otvorenog postupka sa zaključivanjem okvirnog sporazuma, a na osnovu Odluke broj 01-11-4-6121 od 10.11.2021. godine i Odluke o dodjeli Ugovora, broj 01-11-4-6121-3 od 01.12.2021. godine.

Predračun Dobavljača broj 4/22 od 10.10.2022. godine je sastavni dio ovog Ugovora.

**CIJENA**

**Član 2.**

Ukupna vrijednost ovog Ugovora iznosi: 15.096,00 KM bez PDV-a (petnaesthiljadadevedesetšest i 00/100 KM).

**Član 3.**

Plaćanje predmeta nabavke iz člana 1. ovog Ugovora izvršit će se u roku 30 (trideset) dana od dana dostavljanja fakture.

Cijena i ostali elementi Ugovora se ne mogu mijenjati.

**GARANCIJA**

**Član 4.**

Dobavljač je dužan ukoliko ne izvrši isporuku iz člana 1. ovog Ugovora u roku od deset (10) dana od dana zaključivanja Ugovora, dostaviti garanciju za uredno izvršenje ugovora, u roku od deset (10) dana od dana potpisivanja Ugovora, u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora sa rokom važnosti: rok izvršenja ugovornih obaveza + 30 dana.

Dobavljač daje garanciju od 12 (dvanaest) mjeseci za svaku funkcionalnu cjelinu pojedinačno, koja počinje teći od dana isporuke te određene funkcionalne cjeline u potpunosti. Prodavac također garantuje da će u toku garantnog roka isporučene funkcionalne cjeline u suštinskoj mjeri odgovarati obostrano dogovorenim specifikacijama u skladu sa zahtjevima iz tenderske dokumentacije broj 01-11-4-6121-2. Podrška proizvođača opreme je 36 (tridesetšest) mjeseci od dana isporuke opreme.

## NAČIN I ROK ISPORUKE

### Član 5.

Dobavljač se obavezuje cjelokupnu isporuku i umrežavanje u skladu sa zahtjevima iz tenderske dokumentacije izvršiti u roku do 20 (dvadeset) dana od dana obostranog potpisivanja Ugovora, takođe se obavezuje da će postupati po zahtjevima Kupca, u što kraćem roku ne dužem od 24 sata, za otklanjanje kvarova.

## TRAJANJE UGOVORA

### Član 6.

Ovaj ugovor stupa na snagu danom potpisivanja i zaključuje se do realizacije ugovorene isporuke.

### Član 7.

Dobavljač garantuje svojom izjavom da u slučaju dodjele ugovora neće zloupotrijebiti službene informacije i podatke do kojih dođe od MUP-a Kantona Sarajevo ili na drugi način prilikom realizacije ovog Ugovora te da će sa istima postupati u skladu sa važećim Zakonom o zaštiti ličnih podataka.

## PRELAZNE I ZAVRŠNE ODREDBE

### Član 8.

Za sve sporove koji nastanu u vezi ovog Ugovora nadležan je sud u Sarajevu.

### Član 9.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ  
„SIECOM“ d.o.o./ SARAJEVO  
direktor Irma Osim



KUPAC  
MUP KANTONA SARAJEVO  
ministar, Admir Katica

Broj: 1/541/386/10-22  
Datum: 26.10.2022. godine

Broj: 01-11-4-6121-7  
Datum: 18.10.2022. godine